

حقوقى بىلىپلەر مجموعهسى

هر آيك اون بىشنده نشر اولنور

مهم بر مرور زمان مسئله سی - شورای دولته مراجعت مدتی

شورای دولتک ایفای وظیفه به باشلامسی مهم بر مرور زمان مسئله سی اورته به
چیقاردی. بومسئله : شورای دولته مراجعت ایچون قانون مخصوصک تعیین ایتدیکی
مدتک حسابندن تولد ایدیور. فی الحقیقه شورای دولت قانونسک ۲۵ نجی ماده سی
موجبجه « هر نوع اداری معامله و مقرراتک علاقه دارلره اصولاً تفهیم و یا تبلیغندن ؛
ووظیفه اداریه بی ایفا وسیله سیله وقوع بولان افعال حقنده اجرابه اطلاع تاریخنندن
اعتباراً علاقه دارلرک قضای اداری طریقله مجالس اداره و یا شورای دولته اقامه دعوی
مدتی قوانین مخصوصه ایله معین اولیان احوالده آلتش کوندر. » بونک ختامندن صوکره
علاقه دارلرک شورای دولته مراجعتنه امکان قلامش اولور. وهله اولاده بومدتک حسابنده
بر فوق العاده کوروله مز. آنجق اخیراً حادث اولان بعض احوال بو حسابنه عظیم
راحمیت عطف ایدیلسنه سببت ویرمشدر. بواهمیتک جهت نشائی ایضاح ایده جکتر :

شورای دولت قانونی چیقمادن بو دایره هنوز ایفای وظیفه به باشلامادن اول
هرهانکی اداری بر قرار و یا معامله دن حقوق مختل اولانلر محاکم عمومیه به مراجعت
ایدرلردی. بناءً علیه بو قانون چیقیدنی بو دایره فعالیتیه داخل اولدینی زمان محاکم
عمومیه کنیدلرینه عرض ایدیلش بوقبیل مراجعتلر دن متولد دعوالری رؤیت ایتکده
بولیورلردی. وحتی محاکم عدلیه شورای دولتک ایفای وظیفه به باشلادینی تاریخنندن
صوکرده بوقبیل دعوالری رؤیت ایتکده دوام ایتدیلر. بالاخره بودعوارک وظیفه
قراریله ردیننه باشلاندی. شو قدر وارکه محکمه لر وظیفه دار اولمادقلرندن دولای
بودعوالری رده باشلادقلری زمان شورای دولت. قانونسک تعیین ایتدیکی مدت مراجعت
مرور ایتش بولیورلردی. بناءً علیه بو یولده دعوالری رد ایدیلن اصحاب مصالح شورای
دولته مراجعت ایتدیقلری زمان اول باول مدت مراجعتک حساب ایدیلسی مسئله سی
موضوع بحث اولدی؛ عیجا شورای دولت قانونسک ۲۵ نجی ماده سی موجبجه تعیین
اولان مدت نصل حساب ایدیه جکدی؟ حقنده اعتراض واقع اولان معامله و یا قرارک
علاقه دارلره اصولاً تفهیم و یا تبلیغندن اعتبارآمی جریان ایتسی لازمدی؟ یوقسه محاکم

عمومیه‌نک وظیفه نقطه‌سندن رؤیت دعوا به صلاحیتدار اولمادینی حقنده قرارینک تفهیم ویا تبلیغی تاریخندن اعتبارآمی باشلا یا حقده؟ بوسؤالره ویریه‌جک جوابک عظیم بر اهییتی حائز بولندیغنده شبهه ایدیه‌من. چونکه مراجعت مدتک، حقنده اعتراض اولنان اداری معامله ویا قرارک تفهیم ویا تبلیغی تاریخندن حساب ایدیلیسی حالنده اولجه محاکم عمومیه به مراجعت ایدن بر جوق کیمسه‌لر ایچون بو آلتیش کونلک مدت مرور ایتیش اولاجقندن آرتق شورای دولته حق مراجعت موضوع بحث اولمازدی. محاکم عمومیه ده کندیسی وظیفه‌دار کورمه‌دیکنه نظراً بوقییل اصحاب مراجعت قارشو بوتون قانونی یوللر قایتمش بولنه‌جقدی. بویله بروضیتک بر جوق حقوقک ضیاعنه میدان ویره‌جکی شبهه‌من اولدیغندن بوسورتله مسئله‌نک بویوک وشموللی اهییتی بوتون چپلاقلیغیه کندیسی کوسترمشدی. اخیراً شورای دولت دعاوی دائرة‌سینک بو یولده ویرمش اولدینی بر قرار بو اهییتی فعلاکده اظهاره یاردم ایتدی. فی الحقیقه مذکور دائرة بر قاچ آی اول اکثریتله اتخاذ ایتدیکی بر قرارله مدت مراجعتی، حقنده اعتراض وقوع بولان معامله‌نک مدعی به تاریخ تبلیغندن اعتباراً حساب ایدیه‌رک بویله بر مراجعتی مرور زمان نقطه‌سندن رد ایتشدیر. حادثه شوندن عبارتدر :

هنوز شورای دولت ایضای وظیفه به باشلاماش ایکن اداری بر معامله و قراردن حقوقی مختل اولان بر ذات اوزمان یکانه طریق قانونی اولان بر محکمه عدلیه به مراجعت ایدیه‌رک واقع معامله‌نک رفعی وکأن لم یکن اتخاذینی طلب و دعوا ایتشدی. محکمه بو دعاوی دیکله‌دی، ووظیفه‌سی داخلنده بوله‌رق حتی مدعی حقنده کی اجرا معاملاتنک تأخیرینه قرار ویردی. بو دعوی آیلرجه رؤیت ایدیلدیکندن صوکره الک نهایت عینی محکمه وظیفه نقطه‌سندن بو دعاوی رد ایدنجه دعاوی شورای دولته مراجعت ایتدی. آنحقی دعوانک محکمه عدلیه به رؤیتی دوام ایدیه‌رکن شورای دولته مراجعت مدتی اولان آلتیش کون کچمش ایدی. بناء علیه شورای دولت دعاوی دائرة‌سی بو صورتله مدت مراجعتک کچمش اولسنه ووظیفه‌دار اولمیان بر محکمه به مراجعت بو مدتک کذراتی قطع ایدیه‌جه جکته مبنی مراجعت واقعینی مرور زمان نقطه‌سندن رد ایتدی.

دعاوی دائرة‌سینک بوقرارینی دوغرو بولموروز. فکر مزجه بوقرار احکام موضوعیه، باشلیجه حقوق نظریه‌لرینه و عمومی پرنسیپلرله طائمنش مؤلفارک بوبایدکی قناغترلرینه

والك نهایت مصلحت وحقانیتك اقتضایه اویغون دوشمبور. ایشته آشاغیده کی سطرلرله بو نقطه نظر مزی مختصرأ ایضاحه چالیشاجفز :

اصطلاح مسندی :

اول امرده اصطلاح مسئله سی موضوع بحث ایده جکیز. فرانسز قانونلری و مؤلفلری « competence » تعیرینی قوللانیرلر. بونی علی الاطلاق « صلاحیت » ایله ترجمه ایدیورز. بزده واضع قانون بعضاً (وظیفه) و بعضاً (صلاحیت) تعیرلرینی قوللانشدر. بوراده کی وظیفه (صلاحیت مادیه) معناسنه مستعملدر. صلاحیت ایکی قسمه شامل اولور. بری محکمه نك دعوانك ماهیتی اعتباریه دیگریده مدعی علیه شخصی اعتباریه رؤیت دعوایه صلاحیتدار اولسیدر. بونلردن رینه « صلاحیت مادیه competence materium », دیگرینه « صلاحیت شخصی competence persona » دنیلیر.

ایشته (وظیفه) تعیری (صلاحیت مادیه) نك مقابلیدر. شو حالده صلاحیت دنیلنجه علی الاطلاق هم شخصی، همده مادی صلاحیت معناسی آکلایه جفز. (وظیفه) تعیرینی قوللاندیغمز زمان بونی بر تنوع تأمین ایتك مقصدیه واسلوبه عائد بر ملاحظه اوله رق و (مادی صلاحیت) معناسنه استعمال ایتش اولاجفز.

وظیفه دار اولمایه محکمه مراجعت :

شورای دولت قرارنك مسندی صلاحیتدار اولمایان بر محکمه مراجعت مرور زمانی قطع ایده مه مسندن عبارتدر. عجبا حقیقه بویله بر مراجعت مرور زمانی قطع ایتمزی؟ بو سؤالی حله کیریشیرکن اك قوتلی برمبدأ حرکت اولان قوانین حاضره نك تدقیقه ایشه باشلایه جفز.

واضع قانون صلاحیتدار اولمایان محکمه مراجعتله مرور زمانك قطع ایدیلایجکی قبول ایتشدر. فی الحقیقه بورجلر قانونك ۱۳۷ نجی ماده سی شو یولده یازیلیدر :

« دعوا ویا دفع، وضع یدایدن حاکم صلاحیتی اولماسی ویا تعمیری قابل وشکله متعلق بر نقصان ویا وقتندن اول اقامه ایدلمش اولسی سبی ایله رد ایدلمش اولوبده آراده مرور زمان مدتی ختام بولش ایسه آلاچقلى حقنى طلب ایتك ایچون آلتش کونلك منضم بر مدتدن استفاده ایدر ». ماده نك صراحت افاده سنه قارشى بزم علاوه ایده جکمز

برشی یوقدر. قانون بر دعوانك «صلاحیت competence» نقطه‌سندن ردی حالده مدعی به منضم بر مدت و بر مکه حقیقت حالده مرور زمانی قطع ایتش دیمکدر. «ویرژیل روسل» بورجلر قانونه یازدینی شرحده بو ماده‌بی موضوع بحث ایده رکن دیورکه: «مدعینك صلاحیتدار اولیان بر محکمه به مراجعت خصوصنده کی خطاسنك بر معذرته مستقد اولوب اولماسی حائز اهمیت دکلدر». [۱] بو صورته ده آکلاشلیورکه واضع قانون بر دعوانك صلاحیتدار اولیان بر محکمه به عرض ایدلسندن طولانی مدعی بی هیچ برحقدن محروم ایتک ایسته مه مشدر. فی الحقیقه مدعی انک نهایت دولتک قضائی قوت مراجعت ایدیور. بوقوت حد ذاتنده بروحدتی افاده ایدر. دولتک بوقضائی قوتی مختلف ملاحظه لرله آیری آیری عنصر لر و بر مسیله مدعی بی علاقه دار ایده مه یز. مدعی صلاحیت قضائیه بی حائز اولان هر هانکی بر عنصر دولته، هر هانکی بر محکمه به مراجعت ایتکه و وظیفه سنی ایفا ایتشدر. محکمه لرک تعدیدن متولد بر تشوش صلاحیتدن مدعی بی مسئول ایتک و اونك حقنی ابطاله بونی وسیله اتخاذ ایتک حقوقاً قابل مذاقه اولاماز. ایسته بو ملاحظه لرله بناء درکه واضع قانون بر مدعی بی هر هانکی بر محکمه به اولورسه اولسون مراجعت ایتدیکی تقدیرده مرور زمانی قطع ایتش عد ایتکده در. بو محکمه نك دعوائی رؤیته صلاحیتدار اولوب اولماسی حائز تأثیر دکلدر.

مؤلفلرک فکری وار و یا قانونندی :

باشلیجه مؤلفلر صلاحیتدار اولیان محکمه ده اقامه اولتان دعوا ایله مرور زمانك قطع ایدیه جگنی بیان ایتکده درلر. فرانسز محکمه تمیزی اعضاسندن پروفیسور «آلبر تیسیه» ایله «بودری لافانتیه ری» نك مشترکاً نشر ایتدیگری و مرور زمان «De la prescription» اسمنده کی اثرلرنده بو موضوعی تدقیق و مناقشه ایدرلرکن دیورلرکه: «صلاحیتدار اولیان بر محکمه ده اقامه دعوانك مرور زمانی قطع ایده جگنی بیان ایدن قانون مدینك ۲۲۴۶ نجی ماده سی، اسکی مؤلفلر مزك معین بعض احواله قبول ایتدیکاری بر صورت حلی تعمیم ایتکده در. اسکی مؤلفلردن «پوتیه» ه کوره بر دعوا بر محکمه به عرض ایدیلدیکی زمان اگر محکمه نك بو دعوائی رؤیته صلاحیتدار اولوب

[۱] بورجلر قانونی شرعی Manuel du droit fédéral des obligations دردنجی

اولادینی متازع فیہ بر مسئله ایسه اووقت بودعوا مرور زمانی قطع ایدر. كذلك مؤلفردن « دونو Dunoa » به باقیلاجق اولورسه مؤلفرک چوغی صلاحیتدار اولیان بر محکمهده اقامه اولتان دعوالرک بیله مرور زمانی قطع ایده جکنه قاعددرلر. بعض احوالده بو فکر عدل ونصفته موافقدر. ایشته بونله استنادآدر که قانون مدینک اسباب موجهسنی یازان «پی غو پره آمنو» فرانسهده اسکیدن جاری اولان تعامله کوره حتی صلاحیتدار اولیان بر حاکم اوکنده اقامه ایدیلن دعوا بیله مرور زمانی قطع ایدردی دیبور. فی الحقیقه صلاحیتدار بر محکمه بی تعیین خصوصنده یاپیلان بر خطانک، اقامه دعوا ایچون معین اولان مرور زمانی قطع ایتمسی قاعدهسنی اخلال ایتمسه مساعده اولونا مازدی. عکسی تقدیرده مدعی بی تعبیر وتلافیسی قابل اولیان بر ضرره دوشورمش اولوردق. چونکه احتمال مدعینک صلاحیتدار محکمه بی تعیین ایتمکده قصور ایتدیکی آ کلاشلدینی زمان یعنی دعوانک صلاحیت نقطه سندن رد ایدیلدیکی وقت مرور زمانده وجود بولمش اولوردی [۲].

بروفسور «مارسل بلانیول» : « صلاحیت مسئلهلری - دیبور - حلی زور اولان ایشلدندر. اونک ایچون طرفین اکثریا آلدانیرلر. حتی بالذات محکمهلر بیله بعضاً نه کی دعوالری رؤیته وظیفه دار بولندیقربی تعیین ایدن قاعدهلری ایجه بیله مزلر. بناء علیه اکر صلاحیتدار اولیان بر محکمهده اقامه ایدیلن دعوانک بوتون فائدهلی نتیجهلری طاینازسه بویک تهلمکلی وانصافسزجه برشی اولور. چونکه صلاحیتدار محکمه بی تعیین خصوصنده یاپیلان خطا آ کلاشلدینی زمان احتمال مرور زمان مدتی ده کچمش بولنور. و آرتق مدعی حقوقی محافظه ایچون لازم اولان هر شیئی یامش اولدینی حالده یکی ردعوا اقامه سندن محروم قالیر. ایشته بویله بر حقسزلغه میدان ویریله مسی مقصدیلهدر که قانون مدنی حتی صلاحیتدار اولیان بر محکمه حضورنده یاپیلان دعوائی بیله مرور زمانک قطعی ایچون بر سبب عدا یتمکدهدر. بوضورتله هم غیر لایق همده غیر قابل بر ضررک اوکنه کیلمشدر. فرانسز قانون مدینسک ۲۲۴۶نجی مادهسی بواساسه مستددر. قانون صلاحیتک ماهیتی حقنده هیچ بفرق کوزه تمه مشدر. یعنی محکمه ایسته ر صلاحیت شخصی و ایسته ر صلاحیت مادیه اعتباریله صلاحیتدار اولماسین نتیجه هپ بدر. دعواچی صلاحیتی تعیین خصوصنده

[۲] «آلبر نیسیر» «بودری لافانتیهری» ده «مرور زمان De la prescription

نه قدر بويوك برخطا ياپارسه ياپسين ينه بو حقتدن محروم قالماز [۳]. اسكي مؤلفلردن پروفور «لوران» [۴] ويكي مؤلفلردن «هاري قاپتان» ده [۵] عيني فكري درميان ايتشلدر.

باشليجه اوروپا قانون مدنيلرينك ده بو پره نسبي قبول ايتديكني كوروپورز. فرانسز قانون مدنيسنك ۲۲۴۶ نجى ماده سى «صلاحيتدار اولمايان ر حاكمه عرض اولنان دعوا بيله مرور زمانى قطع ايدر» ديور. آلمان قانون مدنيسنك ۲۱۲ نومرولو ماده سى ده بو اساسى قبول ايتشدر. يالكتر بو ماده مدعى دعوانك صلاحيت نقطه سندن ردى حالنده بو قراردادن اعتباراً آلتى آي ظرفنده اقامه دعوايه مجبور طوتمشدر. ايتاليان قانون مدنيسنك ۲۱۲۵ نجى ماده سى: پورتكيز قانون مدنيسنك ۵۵۲ نجى ماده سى فرانسز قانون مدنيسنك ۲۲۴۶ نجى ماده سى دائره سنده يازيلشدر. حتى آمريقادا آشاغى قانادا قانون مدنيسنك ۲۲۲۵ نجى ماده سى ده بو اساسى قبول ايتشدر.

خلاصه كوروليور كه باشليجه اوروپا قانون مدنيلرى وحقوق مؤلفلرى صلاحيتدار اولمايان ر محكمه يه مراجعتك مرور زمانى قطع ايتديكني قبول ايتشلدر. بو صلاحيت ايستهر شخصى ايستهر مادي اولسون بى فرقى يوقدر.

مرور زمانه ر «حقك سقوطى déchéance» :

مدافعه ايتك ايسته ديكمز نقطه نظرك دوغرو لغنى تماميله اثبات ايدم بيلمك ايجون مهم بى مسئله نك دها تدقيقى ايجاب ايدر كه اوده «مرور زمان» و «حقك سقوطى» آره سنده بى فرق موجود اولوب اولماديغنى تثبيت ايتمكدن عبارتدر. فى الحقيقه واضع قانون على الاطلاق مرور زماندن بحث ايتديكي كجى عيني زمانده بعض قانونى مهللى ده موضوع بحث ايتكمده در. بو مهللك مرورندن صوكره مدعينك حق دعوا سى ساقط اولمقده در. شوراي دولته مراجعت مدتى بوميانده صايلا بيلير. عجبا مرور زمانه تفرع

[۳] مارسه پلانيول «حقوق مدنيه شرحى Traité élémentaire de droit civil»
اوتجى طبع ۱۹۲۵، برنجى جلد صفحه: ۸۷۶.

[۴] لوران. «فرانسز حقوق مدنى پره نسيلرى Principes de droit civil Français»

[۵] «هاري قاپتان»، «آمرواز فولن» [فرانسز حقوق مدنى شرحى، Cour élemen-

taire de droit civil Français» دردنجى طبع ۱۹۲۳، صفحه: ۷۹۳

ایده‌ن قاعده‌لری بومهللرده تطبیق ایده‌بیله جکمی بز؟ ایشته بوسؤال مرور زمان و حقل سقوئی آره‌سنده کی فرقک موضوع بحث ایدیلسنی ایجاب ایتمکده‌در.

«بودری - لافانتیه‌ری» ایله «آلبریتسه» دیورلرکه: «مرور زمان» ایله «حقل سقوئی» آره‌سنده کی فرقی تعین و تثبیت ایتمک الک کوچ واک قازاقلق بر مسئله‌در. حقل سقوئندن مقصد، قانونک تعین ایستیکی بر مدت ظرفنده بر دعوانک اقامه‌ایدیلمه‌سی ویا بر مراجعتک ایفا اولوناماسی حالنده بوحق صاحبک حقندن محروم ایدیلسی دیمکدر. حقوق مؤلفلرندن «دوناد Dunad» «مرور زمان Traité de la prescription» اسمنده کی اثرنده مرور زمان مدتیله حقل سقوئی مدتلی آز چوق بری برینه قاریشدریور. مؤلفیندن «مه‌لن» دیورکه: «بر بورجی اطفا ایدن مرور زمانه هاند بوتون قاعده‌لر حقل سقوئی ایچون معین مه‌لتر حقنده جریان ایدر. مکرکه قانون بونک خلافتی امر ایستین - شرحی محکمه قرارلری مجموعه عمومی‌سی Répertoire universel et raisonné de jurisprudence، مرور زمان فصلی».

«معافیه مرور زمانی تتبع ایدن مؤلفلرک چوغی بونقطه نظری قبول ایتمه‌مشلردر. ترولون، له‌روده پرمانی، لوران، توبری ورو کی حقوق مدنیه شارحلری مرور زمان ایله حقل سقوئی آره‌سنده بفرق احداثه چالشمشلردر. بز کندی قناعت‌مزه کوره بونلرک بفرقی واضحاً کوستره‌بیلدیکلرینی ظن ایتمیور. حد ذاتنده مسئله‌نک بویوک عملی بر منفعتی حائز اولمادیغنی ده اعتراف ایتمک لازمدر».

«بز کوره قانون مدینک، تجارت قانونک یاخود خصوصی قانونلرک بر دعوانک اقامه‌سی ایچون تعین ایستیکی بوتون مه‌لتر مرووزماندن باشقه برشی دکلدرد. بوخصوصده «مه‌لن» ک نظریه‌سی بز پک دوعرو کورونمکده‌در. فی‌الحقیقه «حقل سقوئی» ایچون موضوع مه‌لترله مرور زمانک حاصل ایده‌جکی نتیجه‌لر آره‌سنده فرق یوقدر. هرایکیسی ده برحق دفع واولجه موجود بروضیت حقوقیه‌نی احسا ایتمک کی نتیجه‌لر تولید ایدر. اونک ایچون بز کوره «حقل سقوئی» ایچون موضوع مه‌لترلی خصوصی بر مرور زمان عدایمک و بونلری مرور زمان نظریه‌سنک خارجه آتامق واونلره آیری بر اسم ویرمه‌مک لازم کلیر. معین بر مه‌ل ظرفنده ایفا ایدیله‌دیکندن دولایی بر حقل، بر دعوانک سقوط ایتمی بر مرور زمان حادیه‌سندن باشقه برشی دکلدرد. قانون بعض مه‌لر

تعیین ایتش واکر بونلره دطایت ایدیله زسه هر هانکی بر حثك سقوط ایده جکئی بیان ایده مشدر. ایشه بوحق کیمک علینه استعمال ایدیله جک ایدیسه بو مهللرده بو کیمسه لهنه موضوع مرور زماندن باشقه برشی دکلدر.

« محکمه تمیز، صلاحیتدار اولیان بر محکمه ده اقامه دعوا ایتمهك مرور زمانی قطع ایده جکینه دائر اولان ۲۲۴۶ نجی مادهنی قانون تجارتك قایدان علینه اقامه ایدیله جک دعوا ایله مال صاحبك، خسارندن دولای سیغورطه جی علینه اقامه ایده جکی دعوا حقه ده موضوع مهللر حقه ده تطبیق ایتشدر. تمیزك ۲۵ شباط ۱۹۰۰ تاریخلی قراری بوجه دندر.

« خلاصه مرور زمان ایله حثك سقوطی آرسنده بفرق احداثی فائده سز برقراریشقلق وجوده کتیرمکدن باشقه برثمره ویرمز. اساساً بونلر آرسنده کی فرق ایضاحی ده ممکن اولامیور. فرانسز حقوقه کوره بویله بفرق طامیق ذاتاً جائز دکلدر. چونکه بوراده برحق اطفا ایدن مرور زمان انتظام عامه ملاحظه سیله وضع ایدیش برقاعده در. یوقسه آلاچقینك اهالنه وحرکته کله مسنه استناد ایدن برقاعده دکلدر. مرور زمان یالکیز بر دعوایه قارشی حق دفع ویرمز، بلکه حق ایحا ایدر [۶]. بو اعتبارله حثك سقوطنی استیاج ایدن بر مهلك کذلک حق ایحا ایدن مرور زماندن طبیعتله بفرقی اولاماز. بواضا احادن آکلاشلدینی وجهله - شورای دولت قانونك ۲۵ نجی ماده سنده اولدینی کی - بر دعوانك اقامه سی ایچون خصوصی قانونلرده تعیین ایدیلن مراجعت مدتلری، عدم مراجعت حالده حق دعوای اسقاط کی بر مؤیده ایله تقویه ایدیلدیکلری ایچون ماهیه مرور زماندن آری برشی عد ایدیله ملیدر. چونکه هرایکسی ده نتیجه بر حثك اسقاطنی موجب اولیورلر. بناءً علیه مرور زمانه حاکم اولان عمومی قاعده لرك بومیانده مرور زمانی قطع ایدن سبیلرك بومراجعت مدتلرینه ده تشمیلی لازم کیمکده در.

مصلحت و مفایت :

حادثه ده مصلحت وحقانیتك ده بویوک بررولی وارددر. فی الحقیقه شورای دولت قانونی چیقمله برابر بودائره همان ایفای وظیفه باشلامش دکلدی. و واضع قانون شورای دولت یرینه قائم اولقی اوزره بر مقام ده ارئه ایتیموردی. بناءً علیه اداری بر قراردن

حقوق مختل اولانلرک محاکم عمومیه به مراجعت ایتلری ضروری ایدی. بوضورتله محاکم عمومیه مسبوق اعتراضلره قارشلی بودعوالرک رؤیتی کندلی وظیفه سی داخلنده کورمش ایدی. حتی شورای دولت ایفای وظیفه به باشلادینی زمان بیله وضعیت بویه دوام ایدیلوردی. حال بویه ایکن ودعواچی صلاحیتدار برمحکمه به مراجعت ایتدیکنه قانع وبوقاعتک محکمه قرار بیه تصدیق وقبول ایدیلدیکنه مشاهد بولنورکن بو طریق راقوب شورای دولته مراجعتنه ناصل امکان اولایلیردی؟ وبویه بر ضرورت نصل حس ایدیله بیلیردی؟ درجه نانیسه ده محاکم عمومیه مک بر کره وضع ید ایتدیک بر دعوا حقنده بر حکم استحصال ایدیلندن بونک ترکیله باشقه بر طریق قانونی اولان شورای دولته مراجعتنه جواز وارمیدی؟ خلاصه بر سورو سؤاللرک بونلرک هپسی دعوا صاحبی طوبدینی طریق قانونی ده دوامنی امر ایتمکده در. اک مهم بر مسئله ده شو در که حد ذاتنده صلاحیت مسئله لری حللی پک کوچ اولان ایشلر دندر. بالذات محکمه لری بیله صلاحیت تعیین ایدرکن یکدیکرینه معارض قرارلر ویرمشلردر. پروفیسور «مارسه ل پلانیول» ک بحق ادعا ایتدیک و جهله «حتی بالذات محکمه لری بیله بعضاً نه کبی دعوالری رؤیتله وظیفه دار بولندقلرینی تعیین ایدن قاعده لری ایجه بیله مزله شو حالده محکمه لرکده ترده دوشدکلری وبونده حقلی بولندقلری بر مسئله نی دوغرو بر شکله حل ایتمک و اوکا کوره صلاحیتدار اولان محکمه نی بولوب اوراده اقامه دعوا به دعوا صاحب لری نصل مجبور طوبابیلیر؟ شورای دولت قانوننک تدقیق و رؤیتی بوداثره به تودیع ایتدیک مواد بوقانونک ۱۹نجی ماده سنده تعداد ایدیلور. بونک (آ) فقره سی شویه یازیلیر: «رؤیتی محاکم عدلیه مک وظیفه سی خارجنده بولنان مسائل حقنده کی اداری معاملات ومقرراتدن دولای حقوق مختل اولانلر طرفندن اقامه اولنان دعوالر». بو ماده پک شموللی یازیلشدر و محکمه لری بیله بحق ترده سوق ایده بیلیر. فی الحقیقه اداری معاملات ومقرراتدن دولای اقامه ایدیلن دعوالر ایچون شورای دولته کیدیله جکی آکلاشیلیر؟ آنجق بو معاملات ومقرراتک «محاکم عدلیه مک وظیفه سی خارجنده بولنان مسائل حقنده اولسی لازم کلکده در. پکی بو مسائلی نصل تعیین ایده جکیز؟ بو خصوصه بزه یاردم ایده جک معین و طویل و هیچ بر متن قانونی یوقدر. حقوق اصول محاکمه لری قانوننک ۱۹نجی ماده سی: «محکمه لری وظیفه لری تشکیل محاکم قانونیه معنیدر» دیور. بوراده کی تشکیل محاکم قانونی ۱۲۹۶ تاریخی قانون موقدر. بالاخره محاکم شرعیه مک الفاسنه ومحاکمک تشکیلانه عائد

احکامی معدل ۸ نیشان ۱۳۴۰ تاریخ و ۴۶۹ نومرولو قانونک اوچنچی ماده‌سی ده بو قانون موقت احکامنی تعدیل ایتشدرد. «محاکم اصلیه صلح محکمه لرینک صلاحیت قضائیه لری خارجنده بولان قوانین و نظامات موضوعه ایله قابل حکم اولان بالجله دعاوی حقوقیه و تجاریه و جزائیه بی رؤیت، کذلک تولیت رقبه و شروط وقفه و ولایت و وصیت و وراثت حجر و فک حجره و اثبات رشد و وصی نصب و عزل و مفقوده و مناکحات و مفارقات و مهر و نفقه و نسب و حضانه به متعلق دعاوی ایله متولی و ولی و وصیلره اذن اعطا و وقفیه تنظیم و تسجیلنه موجب تحریر ترکاتک تحریر و بین الورثه تقسیمه و حصص ارثیه نیک تعیننه متدائر خصوصاتی اولابده کی قوانین مخصوصه تدوین ایدیلنجیه قدر اساسات جاریه به توفیقاً رؤیت و حل ایلر.» دیگر طرفدن ۱ مارت ۱۹۲۶ تاریخی جزا قانونسک موقع مرعیه وضعنه متدائر ۲۶ نیشان ۱۹۲۶ تاریخ و ۸۲۵ نومرولو قانونک یوقارده کی قانونک بحی کچن ۳ نجی ماده‌سی معدل ۲۶ نجی ماده‌سی ده «اصلیه محکمه لری صلح محکمه لرینک صلاحیت لری خارجنده قالان بالجله حقوق و تجارت و جزا دعوای بی اصول و قانونه توفیقاً قابل تمیز اولوق اوزره کوریره دییه یازیلشدرد. شو حالده ۱۹۲۶ تاریخی تشکیل محاکم قانونسک محاکمک و وظائفنه متدائر اولان موادینک صوک و قطعی شکل معدل بودر. [۷]

قانونک بو ماده لرندن آکلاشلدیغنه کوره محاکم عدلیه نیک «قوانین و نظامات موضوعه ایله قابل حکم اولان بالجله دعاوی حقوقیه بی رؤیت ایتسی لازم کلمکده در. شو حالده مرعی قانون و نظاملرله حکمه ربطی ممکن اولان هر نوع مسائل، دعاوی حقوقیه بر موضوع تشکیل ایده بیلرک و بو صورتله ده محاکم عدلیه نیک وظیفه سی داخله کیره جکدر. «شیعده محاکم عدلیه نیک وظیفه سی خارجنده قالان مسئله لر نلردن عبارتدر؟ سوألنی ایراد ایدرسه ک بوکا معین و طولولو بر جواب ویرمه مک مقتدر اولامایز. چونکه قوانین و نظامات موضوعه به مربوط اولان مسائل حقوقیه او قدر چوق و متنوعدر که بوتون بو محشر مسائل اینجندن محاکم عدلیه نیک وظیفه سی خارجنده قالانلری تفریق و تعیین ایتمه مادی بر امکان کوروله مه ز. زیرا هر مسئله دونوب دولاشوب قوانین و نظامات موضوعه ایله قابل حکم بر هیت آلابیلر.

کورولور که شورای دولت قانونسک وظیفه به عائد اولان ۱۹ نجی ماده‌سی و بونک [آ] فقره سی حد ذاتنده یک واسع و یک قاریشیق بر موضوعه تعلق ایتکده و عماماً منازع

[۷] تورکیه جمهوریتی سجل قوانینی - ملغا باب عالی دستور انجمنی رئیس و مدونات قانونیه مدبر سابق. اوچنچی جلد، صحیفه : ۷۸۳

فيه بولمقدمه در. في الحقيقة عني محكمه اصليه نك بر مسئلتي اولاً كندى وظيفه سى داخلنده كورد كدن سوكره بعده وظيفه دار اولاديقنه قرار ويرمى ده بوجهتي اثبات ايدن اك قوتلى بر دليلدر. شيمدى بودرجه قاريشيق بروضيت قارشيدنده اصحاب مصالحى وظيفه دار مرجى بولمغه جبر ايتك وخطاء وظيفه دار اوليان بر محكمه به كيتدى ديه و مرور زمانى قطع ايدى لئس عد ايتمه رك اونى حق مراجعتدن محروم براقى نصل تجويز ايديله بيلير؟ دعواچينك مراجعت ايتديكي محكمه حد ذاتنده دولتك شخصيت قضائيه سى تمثيل ايدر . ودعواچى ده بو شخصيتى تمثيل ايدى بور ديه محكمه به كيتمشدر و بو صورته ده وظيفه سى ايفا ايتمشدر. دولتك متعدد ملاحظات عاليه به مبنى شخصيت قضائيه سى - ايستهر عدلى ايستهر ادارى اولسون - متعدد عنصر لره ، مؤسس لره توديع ايتمش اولمى بو شخصيتى تبديل ايتمش دكلدر. محاكم عدليه ده ، شورى دولته ان نهايت دولتك شخصيت قضائيه سى تمثيل ايتمكه درلر دعواچى بونلردن هانكيسنه مراجعت ايتمش اولورسه اولسون حد ذاتنده بر معنوى شخصيته مراجعت ايتمش ديمكدر و ايسته بونك ايجوندر كه وظيفه دار اوليان بر محكمه به مراجعت ايدن دعواچى به بوندن دولايى بر مسئوليت تحميل واوونى بعض حقارندن محروم ايتك حقوق و عدالت مفهوم ليله تأليف ايديله مز. و بوندن دولايى واضع قانونلر ومؤلفلر صلاحيتدار اوليان محكمه به مراجعت ايديله بيله مرور زمانك قطع ايديله جكنى قبول ايتمشلدر .

خلاصه: ايشه نه طرفدن باقيليرسه باقيليرين شورى دولتك ويرديكى قرارك بورجلر قانونك ۱۳۷ نجى ماده سنه ، عمومى حقوق پره نسيپلرينه ، مؤلفلر ك اراسنه واك نهايت حقانيت وعدالتك يوكسك و اتباعى ضرورى مقتضياتنه نه درجه به قدر اويغون اولدينى جاي سوا لدر. يوقارده كي ايضاحاتك بزه ويرديكى قناعت مر حالده شورى دولتك قرارى عليهنه در. اولجه محاكم عدليه به مراجعت ايدن بر دعواچينك دعوا سى وظيفه نقطه سندن رد ايديله بى كدن سوكره آلتمش كون كچمهن همان شورى دولته مراجعت ايده جك اولورسه مدتى ظرفنده مراجعت ايتمش ديمكدر. و اونك دعوا سنك رؤيتى ضروريدر. ايشته بوتون بونديقتادن سوكره بزم واصل اولديغى نتيجه بوندن عبارتدر. موضوعك اهميته بناء بوتون رفقاى بوباده تدقيقاته دعوت ايدرم .

آذوقات

صدرى سليم